

豫章叢書

第二六〇冊

天

年

笑

書

卷之六

庚申五月刊

於南昌退廬

萬載李氏

遺書四種

萬載李氏遺書四種總目

禹貢山川考二卷

黑水考證四卷

江源考證一卷

年厯考二卷

均据家藏原稿本

禹貢山

川攷

庚申五月刊

於南昌退廬

禹貢山川考卷一

萬載 李榮陞

崑崙山考

崑崙禹貢以冠西戎諸國蓋雍州最西之大國也國
內之山卽名崑崙以荒遠故與三危俱不入於導山
山海經西次三經自崇吾以西至於翼望凡二十三
山六千七百餘里崑崙邱居第八海內西經云赤水
河水泮水黑水弱水青水皆出崑崙墟海內經又云
黑水青水之間若水出焉是亦出於崑崙按次二山
長沙次三山不周次七山槐江其水俱注泂澤泂澤

弱水之大者次十三山軒轅邱在玉山西其水猶注
黑水則黑水之源尙在其西玉山者西王母所居穆
天子傳云自河首襄山西南至崑崙邱七百里又西
至春山三百里玉山西至西王母之邦三千里諸水
所源各異而海內經以爲分出崑崙墟之四隅蓋析
言之則爲二十三山然皆在崑崙國境故可以崑崙
一名統之也其文後先多失序不盡可憑如積石爲
三危爲黑水所出而
反次其上其誤可知然以今輿圖驗之古赤水河水
源起西經二十二度强古黑水源起西經三十七度
强古泐澤源起西經四十六度强准烏道相去亦三

千餘里矣次十五長留之山白帝少昊居之大荒東
經云甘水出焉後人以爲新陶河注南海者也次二
十一天山英水西南流注于湯谷南山經首云招搖
之山臨西海上麗磨之水出焉西流注于海此諸山
皆與崑崙合勢而名相通自周轍旣東西荒路絕崑
崙國之號久移諸山名無一傳於後者漢人志西域
但言南北大山中有河東西六千餘里此水卽古西
之勃澤則限以蔥嶺其南山東出金城與漢南山屬而已漢南
山謂張騫傳曰漢使窮河源其山多玉石天子案古
圖書名河所出曰崑崙此後世追名崑崙之始水經

注引涼州志云蔥嶺之水分流東西西入大海東爲
河源禹紀所云崑崙者是也吳康泰扶南傳云恒水
源極西北出崑崙山東南注大海釋氏西域記云阿
耨達太山其上有大淵水宮殿樓觀甚大卽崑崙山
也出六大水山西水名新頭河山西南水俱入恒水
佛圖調傳亦同康熙六十年上諭云梵書言四大水
出於阿耨達太山今阿底斯是阿底斯東有泉流爲
牙母藏布江卽古黑水岡底斯之南北有泉流出合爲岡
噶母倫江東南流卽恒河也岡底斯南有二湖接連
土人傳爲西王母瑤池意卽阿耨達池也竊嘗考之

輿圖是山北連于闐南山山南之水分流入南海山陰之水合流入渤澤直古崑崙境內爲西山經黑弱若甘諸水之所出張騫康泰佛圖調等各據其一面而同擬爲古之崑崙可謂不謀而潛叶得其真矣然青河洋赤四水分出墟之東北東南經文尤明而後世顧少述者漢人以渤澤爲重河源詳於遠而畧於近併餘源而亦忽之也夫崑崙橫亘地心號天柱正體磅礴渾衍或不如支距之高奇唐以來往來吐蕃羊同諸國真河源漸得見乃身在山中不識真面反指古斯支境內河曲高山悶磨黎以爲崑崙不知此

特其東北之支距唐人所稱爲大積石山者耳然此
山漢世明其首唐以後又悉其尾中間爲崑崙山脊
不辨而明或疑其體勢過長是不然今大漠西北有
阿魯台山杭愛山輿圖具在數千里止一名就中國
言之祁連大行終南五嶺往記皆言長千里以外而
雲南一隅無量山諺云頭大理尾交趾中間一曲一
千里又大哀牢山延亘亦相等遠荒分幹山猶高大
不可量况崑崙爲海內外諸分幹所從出者哉

言禹貢崑崙自山海經以下得合者數家予旣備著
之諸不合者亦往往託於山海彼自不善讀經非經

有誤也崑崙正文具於西次三經之第八而海內西
經復見焉郭氏傳云言海內者明海外復有崑崙山
大荒西經復載焉後人因以當海外之崑崙山嘗試
求之西次三經言河水赤水洋水黑水出崑崙海內
西經文同而加以弱水青水大荒西經則云赤水之
後黑水之前有大山名崑崙其下有弱水與前兩經
文亦同又西次三經有西王母大荒西經亦云崑崙
外有西王母豈海外別有崑崙併其間之赤水黑水
弱水西王母亦兼有之理可通乎是知三經標目雖
別而所載只一地重陳而已烏得有二崑崙哉或據

海內西經云河水入渤海又出海外卽西而北入禹
所導積石山大荒北經云大荒之中有山河濟所入
海北注焉其西有山名曰禹所有脫積石郭氏傳云

河濟注海已復出海外入此山中似海外又有積石
山此皆不知經意致多誤也夫河濟入渤海卽與海

爲一鳥有出海外而入積石山之理蓋山海經本以

說鼎予別有論而鼎圖迴曲相通東之盡則爲西豈可指

爲大地實然哉禹本紀云崑崙山高三千五百餘里

日月相隱避爲光明也其上有醴泉華池去高高五

萬里地之中也俞安期引且經載禹言天地之東西二萬

八千里此言去嵩高五萬無處安置蓋古今里數不

同上古十里當中古一里據今圖自嵩高西少南鳥

道五千里而至岡底斯

即古崑崙山中有

其高下之勢自東

海岸積至崑崙巔僅高三百五十里理亦近矣故禹

本紀尙可用若淮南子十洲記遁甲圖等書特秦漢

以來方士怪誕之說炫耀虛張本無事實又諸方志

所載他所附會之山及海外崑崙國大小崑崙音同

地異原非以釋禹貢俱不置論云

釋氏西域志曰阿耨達太山其上有大淵水宮殿樓

觀甚大焉山卽崑崙山也穆天子傳曰天子升崑崙

封豐隆之葬豐隆雷公也雷電龍

三字誤

卽阿耨達宮

也其山出六大水山西有大水名新頭河郭義恭廣志曰甘水也在西域之東名曰新陶水山在天竺國西水甘故曰甘水阿耨達山西南有水名遙奴山西南小東有水名薩罕小東有水名恒伽此三水同出一山俱入恒水康泰扶南傳曰恒水之源乃極西北出崑崙山中有五大源諸水分流皆由此五大源枝扈黎大江出山西北流東南注大海枝扈黎卽恒水也釋氏論佛圖調列山海經曰西海之南流沙之濱赤水之後黑水之前有大山名崑崙又曰鍾山西六